


www.BibleForChildren.org


मत्ती 26



यहूदी आन पास्सा
चाड जाक्या ६ नाक्त
डोंइती येसु बेथानी गाउं
जाकदीत्त। मेकेर येसुमी
लाजरस कली बेक्शो रे
सॅपाइश्शो बाक्त। मिनु मरीयममी
मार पाप्तु देंशा हना, लित्रा का
शुश क्येट लाइक्ब ब्रोवशो
रिना पाइश्शो तेल येसु आ
खोइलीमी खेक्ताक्व। मिनु आ चांमी
फिक्ताक्व। मो पशा खिं गा नेल्ल
ब्रोवशो रिना पपाइक्तु। लित्रा का ३२७
ग्राम खोदेंशो बाक्ब।



इस्कारीयोत डा यहूदा येसु आ शेंसीब कामी ठेयब चढ़ेब आन
कली “येसु कली गयाइकचा वारच पाइनन्नी” दे लोव पथ
लमाकत। मिनु मेकोपुकीमी आ देंशो नेंशा,
ग्येरशा “लो, रिम्शोन दुम्त। क्येट
गेनीकी” देंमा बाकत। मै डा मेरे
“गेना नु दोपा गयाइकचा वारच
पदुमी” दे योवकी पना
पन गाकमाकत।



मिनु शेंसीबपुकीमी येसु आ देंशो खोदेंशो
पा पास्सा मोनेचा कली नेल्ल साताकम।
मिनु जना जन बाकमान, येसुमी आ
गुडुमी शोब्ले शेशा “गे रिम्शो पाइब
बाकनीनी” दे प्रार्थना पशा जिकशा, शेंसीब
आन कली योकशा “दांडसीने, ताकशा जने।
एको आं रां बाकब” देंत।



मिनु कचौरा शेशा “गे रिम्शो पाइब
बाक्नीनी” दे प्रार्थना पशा, मेको आन
कली तूचा गेशा “गे नेल्लेमी तूडीने।
एको ओ हश बाक्ब। आं हशेमी
परमप्रभु यावे आ नक कबैल खाप्ता।
आं हश जारशोमी शुश मुर आन पाप
क्याम्सीब।”



मिनु प्रभुमी सिमोन पत्रुस कली “ए सिमोन, नेनो। सैतानमी
गे इ कली चेरब खोदेंशो पा क्राप्चा गेयीनी, दे पुंइशो बाक्ब।
गो चहिं इ पबर्म परमप्रभु यावे कली ‘पत्रुस कली थमा
सुइक्चा प्रॉइपाइक्चा मगेने’ दे पुंइता। गे नोले थमा पा इ थुं
परमप्रभु यावे गे लेशशा थमा सुइक्नेवे। मिनु थमा सुइक्ब
आन कली ‘थमा सुइक्चा मप्रोनीन’ दे आन थुं बारपतो” दे
अर्ती गोवा बाक्त।



मिनु पत्रुसमी “प्रभु, इन कली जेल्खानम चोक्तेकम हना, गो यो चोक्सीनुड। इन कली साइक्तेकम हना, इन कली मप्रोंइथु, गो यो साइक्चा पुंइसीनुड” देंमाक्त। मिनु येसुमी “पत्रुस, दीसा सुनी भाले ग्रीचा क्येडां डोंइती खेयप सां ‘गो मेको कली मतुइक्नुड, सु बाकमे?’ देंनेवे” देंमाक्त।



मिनु गेथसेमनेमी जाकदीत्तेकम।
मिनु येसुमी “लो, एक
बाक्कीने, गो इच्का आइक्ची
लशा, प्रार्थना पशा लेशशा
पीनुड” देंत। मिनु “आब्बा,
आं आफ, गे मारेइ मारेइ पने
चाप्नीनी। एको कचौरा आं
कली मतूपाइक्थु लतीने। तन्न
आं दाक्शौ मदुम्ल। इन
दाक्शोन दुम्ल” दे प्रार्थना पशा,
लेशशा जाक्माक्त। येसुमी आइक्च
आल खोदेंशो पा आ आफ कली
आब्बा देंत।



मिनु यहूदामी ठेयब चढ़ेब नु फरिसी आन सोइश्शो
सिपाहीपुकी नु सिपाही आन ठेयब मुर आन कली येसु नु आ
शेंसीब आन बाक्तीक चाक्तु। मेकोपुकी तोवशी नु
लालटिन दाशा, या कुरशा जाक्तेकर्म। कामी तरवार
गि शोइश्शा, ठेयब चढ़ेब आ गेय पाइब
आ ग्युरा नोफा खोदा बाक्त।
येसुमी मेको खोइश्शो तशा
“दुम्त मपने” दे नोफा
सेस सेला बाक्त।





मिन येस कली गयाइशा लाइशा, नेल्ल कयेडा ठेयब चढेब
आ खिंमी ओइदमे बाक्त। पत्रुस यो डोन रे कोवना कोवन
लमाक्त। मेको खिं डा लाङगाम
मुर खुम्सीशा, मी थेरशा
बाकमा बाक्त। पत्रुस
जाकदीशा, मेकोपुकी नु
मी थेरशा बाकमाक्त।




मेकेर नेल्ल कयेडा ठेयब
चढेब आ वाइल का यो
बाक्त। पत्रुसमी नोफा
कयोरशो मुर आ खिं डा
मुर का बाक्त। मेकोमी
पत्रुस कली “गो इ कली
मेको मुर नु फल फल रूमी
ताइतन, शा” देंत। मिनु पत्रुसमी
लेंशा “गो मनड” देंत। मो देंमेनु,
भाले ग्रीत। मिनु गूशा शुश
डाकमाक्त।




मिनु मेकेर रे येसु कली पिलातस आ
डोंइती चाकदीत्मे बाक्त। मिनु पिलातसमी
येसु कली “यहूदी आन पिप नवे?” दे
हिल्लो पवानु “गे आंमा देंतीनी” दे लोव
लेत्ता बाक्त। पिलातसमी खुम्सीशो मुर
आन कली लेंशा लोव पशा,
येसु कली प्रौंइचा बोल पवा
बाक्त। तन्न मेकोपुकीमी शश
रेयके पा “शीम केपेसा कांटी
थोकशा क्याइशशा सतीने”


दे वाइ ब्रेशशा, रेयके पामे बाक्त।




पिलातसमी “येसु कली शीमी कयेप्शा कांटी
थोक्तीन” दे मेको आन कली जिम्मा गेप्तु।
मिनु नोले यहूदीपुकीमी येसु कली
लाइक्तेकम। मिन् आ कली कांटी थोक्शा
क्याइश्शा साइक्तीक शी आंमा कुरपाइश्शा,
खप्परे माइक्तीकेमी लाइक्तेकम। हिब्रू
लोवमी मेको कली गोल्गथा देंनीम।



मेकेर जाकदीशशा, येसु कली शीमी केप्शा
कांटी थोक्ताकम। मोदेशो पा मुर निक्शी
आस कली यो शीमी केप्शा कांटी
थोक्ताकम। मिनु येसु कली
कांटी थोक्शो शी
मेको आस
दातेमी खुक्तेकम।



मारदे हना नां आ छेडछेड जाम्माक्त। मिनु परमप्रभु यावे आ
खिं आगा डा कोठामी फारशो वा उइक्थ पां जेरर गाक्माक्त।
मिनु येसुमी “आं आफ, आं सोक्त इन गुइमी गेतन्नी” दे वाइ
ब्रेशशा, आ सोक्त प्रोना बाक्त।



अरीमाथीया डा योसेफ माइशो, सभामी
बाकब आन दाते डा हिकसीशो मुर का
बाकमाक्त। मेको परमप्रभु यावे
आ राज्य तांइसेकल, दे आस
पा बाकशो बाकमाक्त। मेको
मुरुमी महिंथु, पिलातस
कली ग्रुमथ लशा “येसु
आ बेकशो रां लाइकचा
गेयीनी” दे पुना
बाक्त।

मिनु योसेफमी
बुश वा गयाप्शा
चाकशा, येसु आ बेकशो
रां रे कांटी उइशशा शोलशा,
बुश वामी गिल्शा लाइशशा,
पुंखी कामी ओइशा वोदा
बाक्त।





मेको पुक्खी बेक्शो मुर वोइक्चा कली
फुल्लु मुशा, लाप्चो पाइशशो सेल्शा
वोइशशो बाक्माक्त। मिनु बेक्शो
मुर ओंइशा वोइशशा, फुल्लुमी
चोक्शा वोदा बाक्त।



मेको नेल्ल दुम्शो आ दीसा ठेयब चढेब नु
फरिसीपुकीमी पिलातस कली
ग्रुम्थ लेशा “सरकार, एको
नेल्ल आन थुं क्याल्पाइक्ब
मबेक्थु बाक्मेनु, मार देंत
देंशा हंना ‘आं बेक्शो
नित्थ नाक्त बेक्शो रे
सैंपांइसीचा पुंइसीनुड’
देंशो फ्रुक्तका।”



मिनु सिपाहीपुकी नु लशा, मेक
जाकदीशशा, सुशो फुल्लुमी
लाहा छाप थोकशा, खाल
पा बाकमा बाक्त।




मिनु नाइक्तीक नाक्त सां लाक्शा, हप्ता
डा डोंइती नाक्त नां सोवसोवमी
माग्दाला डा मरीयम नु अर्को
मरीयम येसु आ लास
वोइक्तीके कोवथ लसा
बाक्त। मिनुजाक्दीस्सानु,
ठेयब खिनु कुमाक्त।
मारदे हनां परमप्रभु
यावे आ स्वर्ग डा
गेय
पाइब


का यिशा,
सुशो ठेयब फुल्लु
तिल्शा, मेको आ तारी
निस्से बाक्त। मेको कली
तशा, मेकेर खाल पाइब
सिपाहीपुकी हिंशा
खिंखि पा थशा
गोल्मा बाक्त।



मिनु परमप्रभु यावे आ स्वर्ग डा गेय
पाइबमी मीश मर आस कली
“महिनीसे। गे शौमी क्याइशशा
साइशशो येसु कली माल्थ
पिसी ममाइ? मुल एके
मबा। मारदे हना डोंइती
देंशो खोदेंशो पा बेकशो
रे सेंचा पुंइसाक्व।
प्रभु कली वोइक्तीके
कोवडीसे।”



मिनु मेकेर रे गूशा, हिंसा यो बाक्त, ग्येरसीसा
यो बाक्त। मिनु गुरुर पा दोरशा, मेको लोव
शेंचा, दे आ शेंसीब आन कली गुम्थ
लसा बाक्त। मिनु दोरना दोरन लसानु,
मार दुम्माक्त देशा हना, येसुमी मेको
आस कली गुम्सी बाक्त। मिनु
“आसीक रसील” दे सेत्तीम्सीनु,
आ नेकथा जाकशा बाप्शा, आ
खोइल



थिशा मान पदसे बाक्त।



मिनु नोले आ शेंसीब ११ जनामी खमे जना जन बाकमानु,
येसुमी मेको आन कली तपांडसे बाक्त। मिनु “मुल सम्म
रुप्या थुं मपनी? मुल यो थमा मसुइय्यीनी?” दे हुइक्तीमी
बाक्त। मारदे हना “बेक्शो रे सेंसीशो ब्रांडशो आंड मिक्चीमी
ताइतक” देंब आन लोव थमा मसुइशो बाक्मा बाक्त।
मेको लोव नेल्ल थुम्शा नोले प्रभु येसु स्वर्ग लाइक्चा पुंडसे
बाक्त। मिनु परमप्रभु यावे आ ग्युरा गो निस्से बाक्त।



परमप्रभु यावेमी रागी डा मुर आन कली शुश
दाक्ताक्व। मोपतीके ओ कांडचीक तौ
रागीमी सोइक्ताक्व। सु सुमी मेको
कली थमा सुइक्नीमी, मेकोपुकी
नरक मलाइनीम। तन्न गेना
हना यो परमप्रभु यावे नु
बाक्चा ताइनीम।



रोमी 3:23

मारदे हना नेल्लेमी पाप पाम्तेकम। मोपतीके परमप्रभु यावे आ
छेडछेडम जाकदीन्ने मचाप्नीम।

रोमी 6:23

मरिम्शो पशो आ गाल्च बेक्चा बाक्ब। परमप्रभु यावे आ गेशो
शिशो चहिं इं प्रभु येसु ख्रीस्त रे पा गेना हना यो ब्रॉइशा
बाक्चा बाक्ब।

हिब्रू 9:27

दोपा मुर खेयप का बेक्चा माल्नीमी नु मेको बेक्शा,
निसाफ पचा पुंइसीनीम।



एफिसी 2:8,9

मिनु गोपुकी परमप्रभु यावे आ शिशी तशा, थमा सुइक्तीके पाप रे
ब्रोंइतीनी। मेको इन पतीके ममाइ, परमप्रभु यावेमी मोशा गेशो
बाक्ब। मेको मुरुम पशो ममाइ, मोपतीके सुइ ठेयब लेन्ने
मचाप्नीम।

रोमी 10:9,10

मिनु गोपुकीमी “येसु प्रभु बाक्ब” देंशा इन थुंमी “परमप्रभु यावेमी
मेको कली बेक्शो रे सेंताक्व” दे थमा सुइक्तीनी हना, गे ब्रोंइचा
ताइनीनी। मुरुमी मेको थमा सुइश्शा, ठीके दुम्नीम। मिनु सु सुमी
“येसु आ प्रभु बाक्ब” दे मुरे आन डोंइती देंबा, मेको ब्रोंइचा
ताइनीम, दे तुइक्नय।



यूहन्ना 3:16,17

परमप्रभु यावेमी रागी डा मुर आन कली शुश दाक्ताक्व। मोपतीके आ काँइचीक तौ रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमप्रभु यावे नु बाक्चा ताइनीम। परमप्रभु यावेमी रागी डा मुर आन कली निसाफ पा नरकमी वोइक्चा, दे आ तौ मसोइक्ता। तन्न रागी डा मुर आन कली नरक रे प्रॉइचा कली सोइक्ताक्व।

1 यूहन्ना 5:11-13

मिनु मेको आ सांकछी मार बाक्ब देंशा हना, परमप्रभु यावेमी इं कली गेना हना यो ब्रॉइशा बाक्तीक गेपु। मोदेंशो ब्रॉइशा बाक्तीक आ तौमी पतीके बाक्ब। सु मेको आ तौ नु बाक्बा, मेको गेना हना यो ब्रॉइशा बाक्चा ताइब। सु चहिं परमप्रभु यावे आ तौ नु मबाक्बा, मेको गेना हना यो ब्रॉइशा बाक्चा मताइब। मिनु गेपुकी परमप्रभु यावे आ तौ आ नें कली थमा सुइक्नीनी। मोपतीके गेना हना यो ब्रॉइशा बाक्चा ताइब बाक्नीनी, दे गो इन कली तुइक्पाइक्चा कली ब्रेक्ताक्ड।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Sunuwar Bible (suz) © 2011, Wycliffe Bible
Translators, Inc. All rights reserved.

<https://www.bible.com/bible/789/GEN.1.SUSZ>

©2026 Bible for Children, Inc.

www.M1914.org

www.bibleforchildren.org

